

رواية

سالك المريضة

أشرف السيد

ساكن المراية

كل ليلة، كنت بقفل نور الأوضة، وأبص للمراية قبل ما
أنام..بس اللي كان بيحصل مش عادي ، كنت بشوف حد
مش أنا، حد ملامحه شبه ممسوحه ،حد ساكن جوّا المراية



ساكن المراية

ابتدى الموضوع لما جيت أنقل لشقة جديدة في وسط البلد. الأوضة واسعة وكل حاجة فيها كانت مريحة... بس المراية؟ كانت من زمن بعيد، قديمة وعليها نقشات غريبة. ساعات، وأنا معدي، كنت بحس إن في حد يراقبني أنا أحمد، وكان كل حلمي في الحياة هو أبقي لوحدي، بعيد عن الزحمة والناس، عشان كده لما لقيت الشقة دي في وسط البلد، حسيت إنها فرصة عمري، شقة واسعة، سقف عالي، وأبواب خشب تحس إنها من أيام الزمن الجميل، حتى المراية الكبيرة اللي في الصالون عجبتي وقتها، حسيتها زي قطعة أثاث نادرة... بس ما كنتش عارف إن المراية دي هتغير حياتي، من أول ليلة في الشقة، حسيت بحاجة غلط. في حاجة في الجو مش مضبوطة، أول ما أطيّ النور، كنت بحس إن في حد واقف ورايا، كل مرة أقنع نفسي إن ده تخيلات، إرهاب من النقل والترتيب، لكن الحكاية ما وقفتش هنا... الموضوع بدأ يتكرر كل ليلة. الكراسي بتتحرك شوية، الباب اللي أقفله ألاقه مفتوح، أصوات خطوات خفيفة كأني مش لوحدي في الشقة... بس أكثر حاجة كانت بتقلقني هي المراية، أنا عارف إن المرايات بتعكس الصورة، لكن المراية دي كان فيها حاجة تانية... كأنها كانت بتعكس حاجات مش موجودة في الشقة، أو حاجات أنا ما عرفتهاش، الليلة اللي قررت أبص فيها للمراية بعد ما طفيت النور كانت أصعب ليلة، مش عارف إيه اللي خلاني أعمل كده، يمكن عشان زهقت من خوفي، لكن اللي شوفته كان كابوس، انعكاسي مش هو اللي كان موجود، كنت شايف حد تاني، شخص ملامحه مش واضحة، لكنه كان باصص لي وعينه بتلمع، اتجمدت في مكاني، قلبي كان هيقف. وما قدرتش أنام الليلة دي، الأيام اللي بعدها بدأت أشوف حاجات أغرب، الكتابة على الحيطان ظهرت بخطوط غريبة، زي رموز أو كلمات مش مفهومة، وحتى مرة، وأنا قاعد على الكنب، حسيت بنسمة هوا بارد عدت من جنبي، رغم إن الشبايبك كانت مقفولة. جيرانى لما سألتهم عن الشقة، محدش كان عايز يتكلم، لكن واحدة ست كبيرة في العمارة قالت لي: "الشقة دي ما حدش عاش فيها مرتاح، اللي قبلك كان بيقول إنه في حد ساكن فيها، وهنا بدأت أدور على الحقيقة، المراية دي مكانتش مجرد قطعة أثاث، كانت كأنها بوابة لعالم تاني، وكل ما بقرب منها، بحس إن في حاجة بتسحبني جوا، بس أنا مش ههرب، أنا لازم أعرف مين الساكن اللي بيعيش في المراية، وإيه حكايته

ساكن المراية

بدأت ألاحظ بعدها إن المراية مش بس بتعكس صورة... كانت بتخزن لحظات، لحظات مش بتاعتي، كنت بعدّي قدامها وأشوف نفسي واقف، لكن بتصرفات ما عملتهاش... مرة شوفتني واقف قدامها وأنا مبتسم، رغم إن ملامحي في الحقيقة كانت متجمدة من الخوف، ومرة تانية، شوفت وشي فيه دم، وأنا مش مجروح، الليلة اللي بعدها، قررت أراقب المراية طول الليل، قعدت على الأرض قدامها، ونور خفيف من اللمبة الصغيرة في الركن بينور جزء من الأوضة... الساعة كانت ٣:١٥ لما حصلت الحركة الغريبة... المراية بدأت "تتنفس"، كأن فيها ضباب يطلع من جواها، وببطء، ظهر نفس الشخص اللي شوفته قبل كده... لكن المرة دي، كان واضح أكثر، ملامحه شبري بنسبة كبيرة، لكن عينه سودة، سودة خالص... وابتسامته كانت ميتة، قمت مفزوع، بس رجلي ما رضيتش تتحرك، كنت متسّمّر، والبرد كان بيخزّم عظامي، قرب وشه من سطح المراية، وبصلي كأننا بنتبادل الأماكن، حسيت بحاجة بتشدني من جوا قلبي، كأن في حبل بيتربط حوالين روحي، صحيت تاني يوم مش فاكر أنا نمت إمتي، لكن المراية؟ كانت متشققة من النص، وكأنها اتكسرت من جوا، مش من برّا، حاولت أرميها، أخلص منها... بس كل ما أطلعها برّه الأوضة، ألاقها راجعة مكانها، الموضوع خرج عن السيطرة... أنا مش لوحدي، والمراية دي... مش بس بتشوف، دي بتخترق، وبتسرق جزء مّي كل يوم، ومن يوم ما المراية اتشققت والنوم مبقاش له طعم كنت بصحى كل يوم حاسس إني ناقص في حاجة من جوايا حاجة اختفت مش لاقيتها كنت ببص في المراية وألاقي نفسي ببص عليا بعين مش عينيا بحركة مش حركتي كنت بحس إن اللي جوا المراية بقى أقرب من أي وقت قبل كده وأكثر حاجة مرعبة إن بقيت أحس إني أنا اللي محبوس جوا المراية مش هو، الحيطان بدأت تتنفس صوت غريب زي همهمة بيخرج من الزوايا والكتابة اللي كانت رموز بدأت تبقى أوضح

ساكن المراية

بقيت أقرأ حاجات بالعربي بس بخط مش طبيعي زي ما يكون حد بيكتب وهو بيتألم وبيقوللي "ارجع مكانك" مش فاهم مكان إيه ولا قصده على إيه بس كل ما أقرب من المراية الكلام بيزيد والصوت بيعلى ودماعي بتوجعني بعدها لقيت واحد من اللي ساكنين في الدور اللي تحت خبط عليا وقاللي انت سامع صوت صريخ كل يوم ولّا أنا بتخيل قولتله لا أنا مش سامع حاجة وفعلاً كنت كذاب لأنني مش بس سامع كنت شايف وعائش كمان الصريخ مش صوت واحدة ده صوتي أنا لما بنام ... في يوم قررت أكسر المراية جبت شاكوش وقلبي كان بيخبط في صدري كأني طالع أحارب حاجة مش هشوفها غير لما أقرب رميت الشاكوش بكل قوتي بس المراية ما اتكسرتش رجعت الشاكوش عليا ووقعت على الأرض ووشي نزل جنب المراية وشوفت نفسي وأنا نايم بس وشي في المراية كان صاحي وكان بيضحك الضحكة اللي عمري ما شفتها على وشي قبل كده في اللحظة دي عرفت إن أنا خلاص بدأت أضيع كل يوم المراية بتسحبني خطوة أكثر جواها وأنا بدأت أشوف حاجات مش من العالم ده ناس بتبكي من غير عيون أطفال واقفين بس رجليهم مش لامسة الأرض وشخص لابس وش شبري بس صوته مش صوتي بيقوللي "تعال انت اتأخرت قوي" ومن هنا بدأت أدور على أي حاجة تفهمني المراية دي جت منين فتحت الدولاب اللي تحتها لقيت ورقة قديمة متآكلة من الزمن عليها ختم غريب وكلام مكتوب بحبر باهت كان بالعربي لكن فيه حروف مش مفهومة قوي وكأنها متعمدة تكون ناقصة ، الكلام بيقول "اللي يبص في العين مرتين يشوف روحه الأولى واللي يكمل للنهاية يتبدل مكانه بإرادته أو غصب عنه" ، بدأت أقرأ أكثر وأسأل وسط كتب وسوق الأنتيكات وروحت شيخ كبير في الحسين أول ما وريته صورة للمراية وشاف النقش قاللي انت لازم تمشي من المكان ده حالاً

ساكن المراية

دي مراية معروفة عند ناس قليلين اسمها "عين الندم" اتحبست جواها روح كانت بتتاجر في الأرواح زمان وكانوا بيستخدموا المراية دي كمدخل لعالمهم لما ماتت اتحبست فيها بس مش لوحدها اتحبست ومعها كل اللي استخدموها في الشر وكل واحد يبص فيها ممكن يبقى بوابة جديدة يفتحوا بيها الطريق تاني....الشيخ قاللي في واحد قبلك جاله نفس المراية اشتراها من سوق في كفر الشيخ من تاجر مش معروف واختفى بعدها بأسبوعين لما راحوا شقته لقوا مراية مكسورة ونقش على الحيط بيقول "لسه فاضل واحد"، أنا فهمت ساعتها إن أنا اللي فاضل وإنهم بيستنوا اللحظة اللي فيها أبطل أقاوم وأسلم نفسي كلياً لأن المراية مش بتخطفك مرة واحدة هي بتسحبك حته حته وكل ما تبص فيها كل ما يفضل منك جزء جواها لحد ما ميتبقالكش حاجة هنا، بس في حاجة الشيخ ما قالها ليش أو يمكن هو نفسه ما يعرفهاش إن في أصوات بدأت تهمسلي بالليل بتقوللي إني أنا مش أول واحد يبص فيها بس ممكن أكون آخر واحد يطلع منها.....

روحت و كان الليل ساكت بطريقة غريبة كأن كل صوت في الدنيا اختفى حتى صوت قلبي ما كنتش سامعه كل اللي كان في دماغي إني لازم أستخدم المراية قبل ما هي تستهلكني جبت شمعة وقدام المراية قعدت وولعتها وبصيت جواها وأنا حاسس إن كل حاجة حواليا بتبعد كأن الزمن نفسه وقف، بدأت أتكلم للمراية زي المجانين قولتلها أنا مش خايف ومش ههرب لو عايزة تاخدني وريني ليه بتعملي كده وريني إيه اللي مستخبي جواكي فجأة الضباب رجع على سطحها بس المرة دي كان بيشكل صور مش واضحة كأن في شريط بيتعرض بسرعة في الصور شوفت راجل لابس جلابيه قديمه واقف في أوضة شبه أوضتي وكان في نفس المراية قدامه وكان بيقرا من كتاب غلافه من جلد ولونه اسود كل ما يقرأ صفحة وشه يتغير وشه يذوب ببطء بس كان مكمل ماكانش بيخاف

ساكن المراية

بعدين ظهرت صورة لطفل واقف ببص في المراية وبيعيط وفجأة المراية
سحبت وشه جواها وفضلت ملامحه مطبوعة على السطح كام ثانية
واختفت ، أنا بدأت أفهم إن المراية بتتعامل مع الناس حسب هما عايزين
إيه الراجل كان عايز قوة الطفل كان بيدور على حاجة ضايعة وأنا؟ أنا كنت
بدور على هدوء ووحدية والمراية استخدمت ده ضدي ، الغريب إن في لحظة
حسيت إني مش قاعد على الأرض حسيت إن جسمي بقى خفيف ووشي
بقى أقرب للسطح من أي وقت والمراية نفسها بقت أوسع بقت كأنها باب
مفتوح بس مش ليا الباب للي جوا عشان يخرج ... كنت خلاص على وشك
أمد إيدي جوا الضباب بس صوت من ورايا قاللي ما تعملهاش ما تمدش
إيدك وإلا مش هترجع تاني ، لفيت بسرعة بس ماكانش في حد بس الصوت
كان واضح كان شبه صوتي بس متغير كأنه أنا بس من مكان تاني يمكن من
جوا المراية ، رغم الصوت اللي قاللي ما تمدش إيدك حسيت إني لازم أكمل
في حاجة كانت أقوى مني كأن المراية نفسها بتشدني وأنا مش قادر أقاوم
قربت أكثر ومديت صباغي الأول ولما لمس سطح المراية ماكانش زجاج كان
زي مية ثقيلة أو ضباب سايب يبيلع إيدي شوية بشوية ومفيش إحساس
بالألم بس كان في إحساس بالبرد البرد اللي بيوصل للعظم ولسه مكمل
إيدي دخلت أكثر وبعدين دراغي كله وكل ما أدخل أكثر كل حاجة ورايا
بتسكت الشمعة طفت لوحدها والظلمة بقت ثقيلة كأنها بتتكلم ولما بقيت
نصي جوا حسيت بأرض تحت رجلي بس ماكانتش الأرض اللي أعرفها
كانت طرية زي الرمل بس بيتنفس وبصيت حواليا لقيت المكان كله شبه
الأوضة بس كل حاجة فيها باهتة المراية من جوا مش بتعكس حاجة المراية
من جوا بتوريك الحقيقة ، لقيت نفسي واقف قدام نسخ مني كتير كل واحد
فيهم ببصلي بعين مليانة حاجة مختلفة في واحد شكله زي بس في وشه
حزن عمره ما راح والتاني ملامحه غاضبة والتالت مبتسم بس ابتسامة
مش مريحة أبداً كأنها متلزمة على وش مش بتاعها

ساكن المراية

حسيت برجلي مش شايلاي وسمعت نفس الصوت اللي سمعته
زمان من سنين صوت الهمس الضعيف اللي يبصرخ والحيطان
بدأت تتهز وأنا واقف عاجز قدام ابني اللي مش ابني والمراية اللي
مش مراية واللحظة اللي مش وقت عادي اللحظة اللي عرفت
فيها إن حكايتي ماكنتش حكاية رعب الحكاية كانت لعنة .

- إنتهت الرواية -

